



UDRUŽENJE POSLODAVACA KANTONA SARAJEVO

E-mail: info@upfbih.ba

Web: www.upfbih.ba

71 000 Sarajevo

Maršala Tita br.6

Tel: +387 33 552 460

Fax: +387 552 461

Sarajevo, 27.08. 2026. godine

Broj: I- 010/26

JU SLUŽBA ZA ZAPOSŁJAVANJE KANTONA SARAJEVO
N/P GOSPOĐA AMINA DŽONLAGIĆ, DIREKTORICA

Predmet: Urgencija za ubrzavanje postupaka izdavanja radnih dozvola za strane radnike

Poštovana direktorice,

Udruženje poslodavaca u Federaciji Bosne i Hercegovine kontinuirano ukazuje na problem nedostatka radne snage, u kontekstu zapošljavanja domaćih i stranih radnika, kao i na probleme sa kojima se poslodavci susreću u postupku izdavanja radnih dozvola i provođenju procedura za zapošljavanje stranih radnika.

U posljednje vrijeme naše članice nam se sve češće obraćaju upravo zbog zastoja u postupku izdavanja radnih dozvola u Kantonu Sarajevo.

Prema informacijama kojima raspolažemo, u Kantonu Sarajevo trenutno je na čekanju oko 1.800 zahtjeva za izdavanje radnih dozvola, dok se prema hronologiji još uvijek rješavaju **zahtjevi podneseni u aprilu 2026. godine**. Također, prema dostupnim informacijama, na poslovima rješavanja navedenih zahtjeva trenutno je angažovana samo jedna osoba, što, imajući u vidu broj zaprimljenih zahtjeva, dodatno otežava njihovo rješavanje. Kao posljedica nedostatka kapaciteta očigledno je rezultat i činjenica da se navedeni zahtjevi ne rješavaju u zakonom propisanom roku od 30 dana.

Ovakva situacija predstavlja ozbiljan problem za poslodavce koji su postupke zapošljavanja stranih radnika pokrenuli prije nekoliko mjeseci, računajući da će radnici biti angažovani u periodu kada za njima postoji stvarna potreba.

Ukoliko se trenutno rješavaju zahtjevi iz aprila ove godine, to u praksi pretpostavljamo znači da poslodavci, čak i nakon izdavanja radne dozvole i provođenja ostalih potrebnih procedura, dolazak radnika koji su planirali koristiti za tekuću turističku, građevinsku, poljoprivrednu i dr. aktuelnu sezonu mogu očekivati tek krajem ove ili početkom naredne godine.



UDRUŽENJE POSLODAVACA KANTONA SARAJEVO

E-mail: info@upfbih.ba

Web: www.upfbih.ba

71 000 Sarajevo

Maršala Tita br.6

Tel: +387 33 552 460

Fax: +387 552 461

Na ovaj način ponovo se propušta turistička, građevinska, poljoprivredna i druga sezona, a poslodavci koji se već suočavaju sa ozbiljnim nedostatkom radne snage nisu u mogućnosti pravovremeno osigurati potrebne radnike.

Sa druge strane a dodatno na ovaj problem u Službi za zapošljavanje poslodavci se suočavaju sa velikim zastojem i čekanjem u postupku izdavanja viza. Prema informacijama naših članica, trenutno se u sistemu Ministarstva vanjskih poslova BiH kao prvi raspoloživi termini za pokretanje procedure nude termini u aprilu 2027. godine. To znači da se postupak zapošljavanja stranog radnika dodatno produžava i da, čak i nakon izdavanja radne dozvole, poslodavci ne mogu računati na dolazak radnika ni do sredine naredne godine.

Svjesni smo da pitanje izdavanja viza nije u nadležnosti Službe, ali ga navodimo kako bismo ukazali na cjelokupnu složenost i dužinu postupka sa kojim se poslodavci suočavaju. Upravo zbog toga smatramo da je posebno važno da se dio procedure koji se odnosi na izdavanje radnih dozvola provodi u propisanim rokovima i bez dodatnih zastoja.

Očekujemo od Vas, kao rukovodioca nadležne službe, da predložite mjere i poduzmete sve aktivnosti koje su u Vašoj nadležnosti u cilju rješavanja ovog pitanja, otklanjanja postojećih zastoja i ubrzavanja postupaka izdavanja radnih dozvola.

Također Vas molimo da nas informišete i o aktivnostima koje Služba planira poduzeti kako bi se postojeći problem što prije prevazišao, te stojimo na raspolaganju za organizovanje međusobnog sastanka, ali i sastanka sa resornom ministricom ili predstavnikom Vlade KS u pravcu osiguranja kapaciteta za rješavanje ovog pitanja.

S poštovanjem,

Predsjednik UO UPKS

Suhad Ego

Co:

- Ministarstvo za rad, socijalnu politiku, raseljena lica i izbjeglice Kantona Sarajevo – n/r ministrice Ende Pavić-Pečenковиć
- Vlada Kantona Sarajevo n/r premijera Nihada Uk